

ՀԱՄԱՁԱՅՆԱԳԻՐ

«ԳՈՐԾԸՆԿԵՐՈՒԹՅՈՒՆ ՀԱՆՈՒՆ ԿՐԹՈՒԹՅԱՆ ԱՌԱՋԸՆԹԱՑԻ»

ՑԱՆՑԻ ՍՏԵՂԾՄԱՆ ՎԵՐԱԲԵՐՅԱԼ

Ք.Երևան

« 5 » փետրվարի, 2018թ.

Մենք՝ ներքոստորագրյալներս, ՀՀ-ում գրանցված և գործող ոչ առևտրային կազմակերպությունների (այսուհետև՝ կազմակերպություններ) «Գործընկերություն և ուսուցում» (ԳՈՒՄ) ՀԿ-ի, «Գլոբալ զարգացումներ» հիմնադրամի (ԳԶՀ), «Սիսիանի Մեծահասակների Կրթության Կենտրոն» հիմնադրամի (ՍՄԿԿ), «Ցկյանս ուսումնառության հայաստանյան լիգա» (ՑՈՒՀՀ) իրավաբանական անձանց միության ներկայացուցիչներս՝

- կարևորելով ՀՀ-ում կրթության ոլորտի բարեփոխումներն ու զարգացման խնդիրները,
- նպատակ ունենալով տեղական ինքնակառավարման (ՏԻ) մարմինների և պետական կառույցների հետ համագործակցության զարգացման միջոցով բարձրացնել որոշումների կայացման գործընթացներում կազմակերպությունների ներգրավվածության աստիճանը,
- համոզված լինելով, որ այդ մասնակցությունը նպաստելու է կրթության ոլորտի խնդիրների լուծման շուրջ կազմակերպությունների միասնական դիրքորոշման ձևավորմանը,
- շեշտադրելով կրթության ոլորտի հանրային քաղաքականության մշակման, ջատագովման և այդ գործընթացում հանրային մասնակցության ապահովման առաջնահերթությունները,

նպատակահարմար ենք գտնում հանդես գալու ցանցային համագործակցությամբ:

ՑԱՆՑԻ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

- Իթանել կրթական ոլորտում գործող ԲՀԿ-ների դերը՝ որպես կարևոր դերակատարներ կրթական բարեփոխումների վերաբերյալ քաղաքականությունների մշակման և երկխոսության կայացման գործընթացներում,
- ՀՀ խոշորացված համայնքներում ձևավորել նախնական և միջին մասնագիտական կրթության և ուսուցման (ՄԿՈՒ) և աշխատաշուկայի (ԱՇ) կապի և հանրակրթական դպրոցներում կարիերային առնչվող խորհրդատվական համակարգի բարելավմանն ուղղված Սոցիալական գործընկերություն,
- Նպաստել ՄԿՈՒ և ԱՇ կապի ամրապնդմանը, համայնքային, մարզային և ազգային մակարդակներում հանրակրթական դպրոցներում կարիերային առնչվող խորհրդատվության համակարգի բարելավմանն ուղղված երկխոսության ձևավորման միջոցով,

- Նպաստել ՄԿՈՒ ոլորտում սոցիալական գործընկերների և գործատուների նպատակային ու արդյունավետ ներգրավմանն ուղղված մեխանիզմների մշակմանը,
- Աջակցել ՄԿՈՒ հաստատությունների ցանցային համագործակցության ձևավորմանը,
- Աջակցել ՄԿՈՒ հաստատությունների և արտադրական ուսումնական կենտրոնների վրա հիմնված՝ պետություն-մասնավոր գործընկերության հետագա զարգացմանը,
- Աջակցել անձի մասնագիտական կողմնորոշման և կարիերայի կառավարման համակարգի և համապատասխան ծառայությունների մշակմանը,
- Նպաստել հանրակրթական դպրոցներում մասնագիտական կողմնորոշման և կարիերայի ծառայությունների ներդրմանն ու զարգացմանը,
- Զարգացնել ՏԻ և պետական կառույցների հետ կազմակերպությունների համագործակցությունը՝ ուղղված նորմատիվ իրավական ակտերի փորձաքննության ապահովմանը, մոնիթորինգի, հարցումների, հետազոտությունների իրականացմանը և դրանք ՏԻ մարմիններին և պետական կառույցներին տրամադրմանը,
- Մշակել ՄԿՈՒ ոլորտի բարեփոխումներին ուղղված առաջարկություններ փաթեթներ:

Կողմերը կարող են նաև՝

- ✓ Համատեղ հանդես գալ ծրագրային առաջարկություններով և իրականացնել համատեղ կոնսորցիումային ծրագրեր,
- ✓ Համատեղ իրականացնել Կողմերի մասնագետների ներքին հաղորդակցման զարգացմանն ուղղված հանդիպումներ,
- ✓ Համատեղ իրականացնել հանրային իրազեկման միջոցառումներ, այդ թվում՝ զանգվածային լրատվամիջոցներով,
- ✓ Համագործակցել փոխադարձ հետաքրքրություն ներկայացնող այլ միջոցառումների շրջանակներում:

ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՍԿԶԲՈՒՆՔՆԵՐԸ

Կողմերը պարտավոր են առաջնորդվել համագործակցության հետևյալ հիմնական սկզբունքներով՝

- ✓ փոխադարձ վստահություն,
- ✓ պատասխանատվություն,
- ✓ փոխըմբռնում և փոխզիջում,
- ✓ թափանցիկություն:

ԵԶՐԱՓԱԿԻՉ ԴՐՈՒՅԹՆԵՐ

- ❖ Համաձայնագիրն ուժի մեջ է մտնում Կողմերի ստորագրման պահից և գործում է անժամկետ:
- ❖ Սույն Համաձայնագրի ցանկացած փոփոխություն կատարվում է գրավոր և դառնում նրա անբաժանելի մասը:

- ❖ Համաձայնագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:
- ❖ Սույն Համաձայնագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:
- ❖ Սույն Համաձայնագիրը կնքվում է չորս բնօրինակից, հայերեն լեզվով, յուրաքանչյուր Կողմին տրվում է մեկական օրինակ:

3. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ

«Գործընկերություն և ուսուցում»/ԳՈՒՄ ՀԿ

«Յկյանս ուսումնառության հայաստանյան լիգա» իրավաբանական անձանց միություն/ՑՈՒՀԼ

«Սիսիանի Մեծահասակների Կրթության Կենտրոն» հիմնադրամ

«Գլոբալ զարգացումներ» հիմնադրամ

Տնօրեն՝
Արտաշես Տոռոզյան

Նախագահ՝
Սամվել Կարաբեկյան

Տնօրեն՝
Կարեն Հովհաննեսյան

Տնօրեն՝
Արամ Ավագյան

